



POLITICA D'UFFANTS E DA GIUVENILS
EN IL CHANTUN GRISCHUN

Actualitads da la politica d'uffants e da giuvenils

01 / 2022

Allegra, Ciao, Grüezi

Stimadas partenarias e stimads partenaris da la politica d'uffants e da giuvenils

L'installaziun ed il svilup da la politica d'uffants e da giuvenils en il chantun Grischun marscha e marscha. La politica d'uffants e da giuvenils chatta gronda resonanza tar las differentas acturas ed ils differentes acturs. Gia èn dus terzs da la durada dal program passads.

Tar las mesiras – che nus preschentan en questa newsletter – tutgan:

- chapir politica – lavuratori per giuvenils davart il nov sistem electoral
- stgaffir ina nova basa legala per la politica d'uffants e da giuvenils
- contribuziuns d'innovaziun – project da prevenziun da la Crusch blava

Salids amicabels

Susanna Gadiant

manadra da l'Uffizi dal servetsch social dal Grischun

Beat Hatz

manader dal project Politica d'uffants e da giuvenils
Uffizi dal servetsch social dal Grischun

Chapir politica: lavuratori «Nov sistem electoral en il chantun Grischun»

Las commembras ed ils commembers dal Cussegl grond vegnan elegids ils 15 da matg 2022 per l'emprima giada tenor il sistem da proporz dubel. Il nov sistem electoral serva a tractar en moda orientada a la pratica e confurma al stgalim la furmaziun politica il tema actual per scolaras e scolars ed als preschentar uschia pli detagliadamain lur pussaivladads da participar a la politica.




L'Uffizi chantunal dal servetsch social lantscha per la fin da mars ed il cumenzament d'avrigl 2022 il lavuratori «**Nov sistem electoral en il chantun Grischun**» per las scolas superiuras dal Grischun. [La Federaziun svizra dals parlaments dals giuvens \(FSPG\)](#) prepara ils lavuratori ed als realisescha. Clau Dermont, politolog grischun e spezialist per la furmaziun d'opiniun, per la digitalisaziun e per las transformaziuns accompogna il project sco reviewer.

Il lavuratori mussa en duas lecziuns ils mecanissem dal nov sistem electoral. Suentar ina introducziun en il nov sistem electoral realiseschan las scolaras ed ils scolars elecziuns tenor

maiorz, proporz e proporz dubel. Silsuenter vegnan identifitgadas e discutadas communablamain las differenzas dals systems.

Cuntinuitad – stgaffir ina nova basa legala per la politica d'uffants e da giuvenils



In ulteriur svilup persistent ed a lunga vista da la politica chantunala d'uffants e da giuvenils arriva en il chantun Grischun als cunfins cun las basas giuridicas existentas, en spezial cun la Lescha davart ils uffants confidads da l'onn 2007. Il Departament d'economia publica e fatgs socials vul metter sin ina basa solida la concepziun d'ina politica d'uffants e da giuvenils cumplessiva. El ha perquai l'intenziun da far ina revisiun totala da la Lescha davart ils uffants confidads, respectivamain da stgaffir ina nova basa giuridica per la politica d'uffants e da giuvenils en il Grischun.

> [dapli infurmaziuns](#)

«La politica d'uffants e da giuvenils en il Grischun ha finamiras da lunga durada cun promover, cun proteger e cun laschar participar uffants e giuvenils. Ina basa giuridica moderna è ina premissa decisiva che la via da success dal svilup d'ina politica d'uffants e da giuvenils en il Grischun po vegnir cuntinuada pli ditg che l'onn preschent.»

Marcus Caduff, president da la Regenza
Departament d'economia publica e fatgs socials



Contribuziuns d'innovaziun èn concedidas

L'atun 2021 èn arrivadas tar nus numerusas dumondas. Quai mussa: i dat bleras ideas da project creativas per e cun uffants sco er per e cun giuvenils. Sco substitut per ils projects tschernids che nus sustegnain cun ils meds dal program «Politica d'uffants e da giuvenils en il chantun Grischun», preschentain nus il project «Utensil digitalisà da temas per la prevenziun da dipendenza» da la Crusch blaua dal Grischun.



Co dir endretg na

Pli baud u pli tard han giuvenils contact cun alcohol u cun autras drogas. Co di jau en ina tala situaziun «endretg» na? Co giavisch jau che mes pèrs reageschan sin quai? Co reagesch jau mezza u mez en ina tala situaziun?

Il project da la Crusch blava dal Grischun ha la finamira d'intimar ils giuvenils da reflectar davart lur giavischs e davart lur cumportament e d'als metter a disposiziun agids da decisiun. En quest connex vegnan ils giuvenils cuntanschids là, nua ch'els èn tuttavia ina gronda part da lur temp: en las medias socialas. Ils cuntegns vegnan elavurads ensemen cun giuvenils en lavuratori da teater, lura producids e silsunter mess a disposiziun a persunas spezializadas da l'Animaziun socioculturala uffanza e giuventetgna per la lavur cun lur gruppas en mira.
